

# Musibe wa Mureeli Oolodhowa

(A Parábola do Rico Insensato)

Mokamihedhiwa muLuka 12:13-21



Livro para novos leitores  
Na língua Etakwane  
Nível 2

Muthu mmohiya ahiwoga ni Yesu wiira:

- Namasuuziha: kamwiirena, muwoge ni ddibilaga. Oliye agigawelewo dhego dhohala.

Yesu omwaakula:

- Miyo kagili namathonga a nyo. Pole-pole kamukale aliba nrima. Dhego dhapama kahi dhofuneyesesa mwiigumini ya muthu.

Yesu ahawaaddela thalako ela, wiira:

- Ahikalawo muthu mmohi oreela. Oliye ahikaana mudda mulubale. Mudda ola wahibaliha vajinji kawaali mburo wohela dhohadda dhatedhene. Matataya yaali mang'onong'ono. Yahimalaga odhaala.



Muthu ole oobuwele wi:

- Gaabwanyule matata aaga. Gimage mamohiya malubale. Gendo gihelele dhooja dhaaga. Vano givumege, ging'wege gihagalale. Gihikaana dhooja dhijinji.

Mulugu omwaaddela wiira:

- Zimora! We kunoobuwela pama! We mahiyu alena egumi yaawo enomala: onokwa. We osasanyedhe ddi, onahalena dhego dhaawo baani?

Yesu ahiwoga:

-Dhinawiireyela ndo aliba nrima. Yafuneyesesa okaana dhoreela vameentoni va Mulugu. Dhoreela dha mmunebani sili dhoofuneyesesa. Dhoreela nda kadhinamala.

## Dhokoha:

1. Yofuneyesesa vajinji mwiigumini mwa muthu si ddi?
2. Yowubuwelela ya muthu ole oorela yaaligi yowi avi?
3. Yafuneya ddi yowambeela wi mureeli ole eerena?
4. Mulugu eerile avi wo oliye?
5. Enatapulela ddi okaana dhoreela vameentoni va Mulugu.

### Ficha Técnica

Título: Musibe wa Mureeli Oolodhowa  
(A Parábola do Rico Insensato)  
(The Parable of the Foolish Rich Man)

Língua: Etakwane

Ilustrações: Art of Reading 2.0

Primeira edição electrónica, 2010

Produzido por: Programa da Língua Etakwane  
lidemo.net@gmail.com  
C.P. 652  
Nampula, Nampula  
Moçambique

O utilizador pode copiar e distribuir a obra

